



partii naleraq

UPA 2017/054-01

15.05.2017

**Ilinniagaqartut 16-it 25-illu akornanni ukiullit kalaallisut oqaaseqartut, meeqqat atuarfiannit anillutik ilinniakkamik ingerlatsisinnaaner at anguniarlugu, ilinniarfiit sorliit annertuumik aningaasartuuteqarfiunngitsumik isersinnaanermut piumasaqaataasa ilinniartitsissutillu ilinniartunut kalaallisut oqaasilinnut nalimmassarneqarnissamut piukkunnaateqarnerannik misissuineramik UPA 2018-imi saqqummiunneqartussamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaq, Mimi Karlsen, Inuit Ataqatigiit).

Inatsisartunut ilaasortap, Mimi Karlsen, Inuit Ataqatigiinneersup, Ilinniagaqartut 16-it 25-illu akornanni ukiullit kalaallisut oqaaseqartut, meeqqat atuarfiannit anillutik ilinniakkamik ingerlatsisinnaaner at anguniarlugu, ilinniarfiit sorliit annertuumik aningaasartuuteqarfiunngitsumik isersinnaanermut piumasaqaataasa ilinniartitsissutillu ilinniartunut kalaallisut oqaasilinnut nalimmassarneqarnissamut piukkunnaateqarnerannik misissuineramik UPA 2018-imi saqqummiunneqartussamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuutaa Partii Naleraq sinnerlugu imannak oqaaseqarfigissuarput:

Ukioq inuusuttut kalaallisuinnaq oqaasillit ilinniakkamik aallartitsinissamut periarfissaat pillugit § 37-ikut Naalakkersuisunut apeqquteqaateqareernerma kingorna, upernaq manna inatsisartunut oqaaluuserisassamik imaattumik oqaluuserisassanngortitsingaluarpunga, ajoraluartumik oqaluuserisassanut ilanngunneqanngitsumik.

**Inuusuttut kalaallisuinnaq oqaasillit suliassanut assassornermik ingerlanneqartunut ilinnialersinnaaner at anguniarlugu Naalakkersuisut suliniuteqaqqullugit UPA 2018 mut pilersaarummik saqqummiuseqqullugit inatsisartut aaliangiiffigisassaattut siunnersuut, taamaaliornikkut inuusuttut kalaallisuinnaq oqaasillit ilinniartitaanikkut akisussaaqataanerulerlutik inuiaqatigiinni peqataatinneqarnerulernissaat anguneqarsinnaaqqullugu.**

Tassa siunnersuummik taama qulequtaqartumik inatsisartut allattoqarfitsinnut annugsaqaraluarput, kisianni allaffissornikkut aporfeerapassuit assigiinngitsut pissutigalugit siunnersuut maanga inimut anngutinngitsoorpoq. Uggornaqaaq, kisianni qujanaqaaq inatsisartunut ilaasortap Mimi Karlsen-ip siunnersuut tassunga assingusoq saqqummiummagu.

Tassami naluneqanngilaq inuusuttorpasuit meeqqat atuarfianniit anisartut ilinniakkamillu aallartitsinngitsoortartut amerlasoorujussuusut.

Tamatumani ilaatigut meeqqat atuarfianni angusat pitsaavallaartannginnerat aamma pissutaqataavoq taamaattoqarneranilu inuusuttorpasuit suliffissaaleqisutut inissittarput, naak ilarpasui assassornermut pikkoriffeqarlutik, assassornermik suliffeqarfiit ilaanni sulilersinnaanerminnut ajukkunnaateqanngikkaluartut, taamaattoq danskisut tamakkiisumik naammaginangitsumillu piginnaaneqarnerat pissutigalugu sulilersinneqarsinnaaneq ajorput imaluunniit suliffeqarfiit ilaanni sulisorineqarusunneq ajorput.

Isumaqarpungut nunatsinni amerlanerpaatigut kalaallisut oqaluffiusumi, ilami allaat sumiiffipparujussuit ilaanni kalaallisuinnaq oqaluffiusuni, inuusuttortavut kalaallisuinnaq oqaasillit suliffeqarfinni assassornermik suliaqarfiusuni ilinnialersinnaanermut periarfissaqartariaqartut.

Erseqqissaatigissuarpulli, Partii Naleqqamiit oqaatsinik allanik ilinniarnissaq, aamma ilinniarfinni oqaatsinik allanik atuinissamut piumasaqaateqarfiusuni ilinniartitaaneq tamakkiisumik tapersorsoratsigu.

Kisiannili pissusissamisoorsorinngilluinnarparput, kalaaleqativut annerusumik kalaallisuinnaq oqaasillit kalaallit nunatsinni assassornermik suliassaqarfiusuni, soorlu assersuutigalugu sanasutut, qarmaasutut, rør-ilerisutut allatulluunniit assassornerup iluani suliassaqarfiusuni ilinnialersinnaasanninnerat pissusissamisuunngilluinnarmat.

Taamaattumik kalaalerpassuit inuusuttut meeqqat atuarfianniit, ilaatigut allamiut oqaasiinik piginnaasaqarnerup annikinneranik pissuteqartumik anisinneqaannaratik assassornermik suliassaqarfiit ilaanni ilinnialersinnaanerat inatsisitigut illersungaasumik periarfissaalertariaqarpoq.

Taama oqaaseqarluta siunnersuut tunngaviatigut taperserlugu suliap aappasaanneeraneqannginnerani kulturimut ilinniartitaanermullu ataatsimiititaliami suliarineqarnissaa inassutingaarput.

Anthon Frederiksen

